



## KONGAMANO LA CHAKITA, 2017 - CHUO KIKUU CHA KIBABII

### **MWITO WA MAKALA**

Chama cha Kiswahili cha Taifa (CHAKITA) kikishirikiana na Idara ya Kiswahili na lugha nyingine za Kiafrika, Chuo Kikuu cha Kibabii, Bungoma - Kenya wanawatangazia Kongamano la Kiswahili la CHAKITA mwaka wa 2017.

Mada Kuu ya Kongamano hili ni:

### **UWEZESHWAJI WA LUGHA YA KISWAHILI KAMA WENZO WA MAARIFA KARNE YA 21**

Tarehe za Kongama: **20 Julai 2017** hadi **22 Julai 2017**

### **Kidokezo**

Tangu kuimarika kwa shughuli za wamishenari na utawala wa kikoloni karne moja iliyopita, tatizo la Kiswahili kama lugha ya mawasiliano na elimu limechochea mijadala mikali. Ingawa wahusika na masuala katika mijadala hii yamekuwa yakibadilikabadilika kutegemea kipindi cha wakati, mambo ambayo yamejitokeza kwa uzito ni pamoja na **usanifishaji, sera na taaluma ya Kiswahili**. Miongo ya kwanza miwili ya karne ya 21 imeshuhudia juhudini zinazolenga uwezeshaji wa Kiswahili. Hata hivyo, wakereketwa bado wanalamakia hadhi duni na ufinyu wa mawanda ya matumizi ya lugha hii. Kwa nini hali imekuwa hivi kwamba juhudini za kuiwezesha lugha hii haziridhishi licha ya kuwa maendeleo ya jamii yanawezekana tu kama maarifa ya kisayansi yatawasilishwa kwa lugha yenye uwezo?

Nchi za ukanda wa Afrika Mashariki kama bara zima la Afrika zimeingia Karne ya 21 na matatizo ambayo hayajatafutiwa utatuzi huku zikikabiliwa na changamoto zinazoibuka kila uchao. Ufumbuzi wa haya yote unategemea kuwepo, siyo tu lugha ya mawasiliano mapana ila inayoweza kufumbata maarifa ya kisayansi. Kongamano hili limeandaliwa ili kuwapa wataalamu fursa ya **kuhakiki vikwazo vya mchango**

**wa Kiswahili kama wenzu mwafaka wa kupitisha maarifa pamoja na kuvitafutia ufumbuzi.**

### **Mada dogo**

1. Kiswahili kama lugha ya kufundishia
2. Ukuzaji wa istilahi katika Kiswahili
3. Kiswahili katika mitandao ya kijamii
4. Kiswahili katika nchi za kigeni
5. Kiswahili na sera ya lugha
6. Kiswahili katika riwaya , tamthilia na ushairi na tanzu nyingine za fasihi andishi
7. Utafiti katika Kiswahili
8. Uchapishaji katika Kiswahili
9. Kiswahili na maendeleo ya kijamii
10. Kiswahili katika vyombo vyaa habari
11. Tafsiri katika taaluma ya Kiswahili
12. Athari ya Kiswahili kwa lugha nyingine
13. Athari ya lugha nyingine kwa Kiswahili

Washiriki wanakaribishwa kuandaa ikisiri na makala kuhusu mada hizi. Kamati Andalizi itazikubali ikisiri zinazozungumzia maswala yote yaliyo na uhusiano na mada kuu.

**Lugha ya Kongamano:** Lugha rasmi ya Kongamano ni **Kiswahili**. Hata hivyo, lugha ya Kiingereza kitakubaliwa kwa wajumbe wasio wataalamu wa Kiswahili.

**Ikisiri:** Ikisiri zenye maneno kati ya 200 - 300 zitumwe kabla ya tarehe **12 Aprili 2017** kwa Mratibu wa Kamati ya Maandalizi kuititia anwani za barua pepe zifuatazo: [chakitakibu2017@gmail.com](mailto:chakitakibu2017@gmail.com) au [chakitakibu2017@yahoo.com](mailto:chakitakibu2017@yahoo.com) au kwa [chakitakibu2017@kibu.ac.ke](mailto:chakitakibu2017@kibu.ac.ke)

**Safari ya kielimu:** Ikiwa mara ya kwanza kwa Kongamano la Kiswahili la kiwango hiki kuandaliwa katika Mkoa wa Magharibi, Kamati Andalizi iltilia maanani ziara ya kielimu ya kuwatemeza washiriki katika kituo kilicho na umuhimu mkubwa kwa fasihi simulizi katika Kaunti ya Bungoma.

### **Ada ya Kongamano**

- i. Washiriki walio wanachama wa CHAKITA - Ksh. 3,000/-
- ii. Washiriki wasio wanachama wa CHAKITA - Ksh. 5,000/-
- iii. Washiriki kutoka Jumuiya ya Afrika Mashariki - Ksh. 5,000/- au \$ 50
- iv. Washiriki kutoka nje ya Afrika Mashariki - Ksh. 7,000/- au \$ 70
- v. Washiriki kutoka nje ya Afrika - Ksh. 10,000/- au \$ 100
- vi. *Malipo ya safari ya kielimu (Hiari) - Ksh. 1000/-*

**Tarehe Muhimu za Kongamano:**

**Machi, 2017:** Kutoa tangazo la kuomba ikisiri

**Aprili, 12. 2017** Mwisho wa kupokea ikisiri

**Mei, 12. 2017** Taarifa za ikisiri zilizokubaliwa

**Juni, 30. 2017** Mwisho wa kupokea makala kamili

Mnaombwa kwamba maandalizi ya ikisiri na makala yafuate mtindo wa **APA**

Taarifa nyingine muhimu zitatolewa baadaye.

**Nyote mwakaribishwa**

**Chuo Kikuu cha Kibabii, Bungoma - Kenya**

\*\*\*